

AGENDRE FEMASO YESU

MINGGU, 05 April 2026 (Paskah-1)

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba döi Yesu ma'owai Ami : Ya'ahowu, no maoso Keriso.
- SATO** : Ya'ahowu !
- SA** : Keriso So'aya, no maoso Keriso
- SATO** : Duhu, no maoso Keriso.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 114**

114. NO MAOSO YESU SO' AYA 1

do = f 4/4

MM = 96 - 104

1. No maoso Yesu So ' aya, lewatö no Iröi.
Umbu wa ' auri sa Ia, ba sangorifi göi ba sangorifi göi
2. Onekhe niha Yehuda, ba Ere khöra göi.
Oi lafotandro lewatö, labè zanaro göi, labè zanaro göi.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amonio. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.
HALELUYA.....

SA : **Manunö** : BZ. : 452

HALELUYA....HALEYA.... HALELU...YA.....

SA : Mangandrö ita :

He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawawa wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Ö'faogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatorö banua si yawa awö danö i'otarai da'e irugi ba zi lö actu. Yaduhu. **(Mudadao zato)**

3. MANUNÖ moroi ba Mbuku Zinunö Numero 112

112. BÖI AEFA' AEFA BA DÖDÖDA

Lala : Ba wemaoso Yesu Keriso (No. 111)

do = f 4/4

MM = 88 - 96

1. Bői aefa' aefa ba dödöda, me mate Yesu ba röfa.
Börö fefu golalöwada, wa no teforöfa Ia.
Do-Nia wanasa horöda, afu te ' orifi ita.
Solohe ya ' ita khö Nama, ba naha so ' ahonoa.
2. He no fondrege wa' afökhö, nitaögö Yesu ba röfa.
Lö tewu' a niwa' ö-Nia, wangomasi' ö Ya' ita.
Da' ö wa I' andrö khö Nama, "Be' aefa khöra horöra.
Me lö aboto ba dödöra, me lö la' ila nilaura."

4. FOMBASO TAROMA LILOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Bői so khömö Lowalangi tánö bö'ö, baero ndra'o.
4. Bői fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Bői angalulu khönia ba bői fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Bői tötöi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; bői babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Bői ange'e.
14. Bői ohorö.
15. Bői anagö.
16. Bői böböögö khö nawöu zi lö duhu.
17. Bői isö nomo nawöu. Bői isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he öróbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 114:

1

114. NO MAOSO YESU SO'AYA ¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

¹ Note : Nikolaus Herman 1554

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bul'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

SATO : Mangandrö ba dödö zamösana föna Lowalangi.....1 irugi 2 meniti.

SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa'a tulö ba gulidanö ba niha ni'omasi 'ö andrö

(mudadao zato)

7. FOMBASO WAÖWAÖ WEMAOSO YESU

SA : Da tafondrondrongo waöwaö wemaoso Zo'aya ya'ita Yesu keriso

- 1) Manunö moroi ba BZ. No 113:1

113 NO IFULI AURI YESU 1

do = g 4/4

MM = 96 – 104

1. No Ifuli auri Yesu, ni susugi Yehowa.
Oi te ' ala zaradadu, somba' agö femöna.
Oi mudögö gulidanö, me möi tou mala ' ika.
Si möi mamokai lewatö, ba nibe ' e So ' aya.

+ Fombaso Matai'o 28 : 1-4

1. Ba ba zi bongi, me no aefa luo sabato, me arakha moluo luo migu, ba möi Maria andrö, banua Magadala, awö Maria si sambua andrö, mamaigi lewatö.
2. Ba hiza ziheu sabölöbölö. No möi tou mala'ika Zo'aya, moroi ba zorugo, möi ia mameta gowe andrö, ba idadaoni.
3. Ba hulö gari mbanua wamaigira ya'ia, ba barunia, ba no afusi, hulö mbetua.

4

4. Ba manizinizi zanaro andrō, fa'ata'ura ia bo tobali hulō zi mate ira.

2) Manunō moroi ba BZ. No 113:2

113 NO IFULI AURI YESU

2. No ifuli auri Ia, oi tobali dödōra.
No oroma mege khōra, me alele ba rōfa.
No Ila'wa wa' amate, ba no möna Zo' aya.
Tandra Ia si föfōna, nesusugi Yehowa.

+ Fombaso Matai'o 28 : 5-8

5. Ba humede mala'ika andrō, imane ba ndra alawe andrō: Bōi mi'ata'ufi! u'ila sa, mi'alui Yesu andrō, niforōfa.
6. Lō ya'ia ba da'e; noa sa maoso ia, itōrō niwa'ōnia; mi'ae mifaigi naha andrō, ba zi so ia mege.
7. Ba mita'ita'i, mi'ae miwa'ō khō ndra nifahaōnia, wa no maoso ia moria ba ngai zi mate, ba hiza, mowaōwaō ia ba Galilaia, ba da'ō mi'ila ia dania.
8. Hiza, no uwa'ō khōmi. Ba la'aiio'ō ira, larōi lewatō, ata'u ira, ba omuso sibai dödōra, fagohi ira, ba wangombakha ba nifahaōnia.

3) Manunō moroi ba BZ. No 113:3

3. Fao khō Yesu auri ita, na ta' o' ö li-Nia.
Si so ba gambölō Nama, mangandrō salahida.
Ihōnagō Iföfö' ö nahia zamōsana.
Fefu zamati khō-Nia oi lasōndra wemōna.

+ Fombaso Matai'o 28 : 9-10

9. Ba hiza, falukha ira Yesu, ba imane khōra: Ya'ami! Ba la'ondrasi ia, lara'u gahenia, latuhi danō fōnania.
10. Ba imane khōra Yesu: Bōi mi'ata'ufi, mi'ae miwa'ō ba dalifusōgu, ena'ō mōi ira ba Galilaia, ba ba da'ō la'ilado dania.

4) Manunō moroi ba BZ. No 113:1

113 NO IFULI AURI YESU 1

1. No Ifuli auri Yesu, ni susugi Yehowa.
Oi te ' ala zaradadu, somba' agō femōna.
Oi mudögō gulidanō, me mōi tou mala ' ika.
Si mōi mamokai lewatō, ba nibe ' e So ' aya.

+ Fombaso Taroma Li Lowalangi nibaso föna huhuo (AB) tehalō moroi ba zura

Luka 24:1-12

1. Ba me luo migu, ba mōi ira ba lewatō, ahulō sibai, la'ohe zamohua andrō, ni'asiwaira.
2. Ba la'ila, no mufagaōlō gowe andrō, no aheta ba lewatō.
3. Ba me mōi ira bakha, ba lō lasōndra mboto Yesu, So'aya.
4. Ba me la'abusi tōdō da'ō, ba hiza niha, darua, no so ba ngaira, no mobaru safusi, sihaga.
5. Ba me ata'u ira, ba me lafatugu ira, ba lamane khōra: Hadia wa mi'alui zauri ba zi mate?
6. Lō ya'ia ba da'e, noa sa maoso ia; mitōrōtōrō tōdōmi niwa'ōnia khōmi, me so

ia ba Galilaia na,

7. me itōrō linia Nono Niha andrō, wa lō tola lō tebe'e ia ba danga niha si so horō, awō wa niforōfa, ia, awō wemaosonia, na no irugi tōlu ngaluo.
8. Ba itōrō tōdōra niwa'ōnia andrō.
9. Ba lafuli ira, larōi lewato, la'ombakha'ō da'ō fefu ba zi felezara andrō ba ba dānō bō'ō fefu.
10. Ira Maria, banua Magadala andrō, ira, ba Yohane ba Maria, ina Yakobo ba awōra andrō, la'ombakha'ō da'ō ba zingenge andrō.
11. Ba ba dōdōra, ba hulō waya niwa'ōra andrō, ba lō faduhu dōdōra khōra.
12. Ba maoso Wetero, isawa lewatō, fagoi, ba ifaōndrō ia, ba i'ila lembe muko andrō, no so tou, ha da'ō, ba ifuli ia khōra, ahōlihōli dōdōnia da'ō.

Ya'ahowu zamondrongo taroma Li Lowalangi ba Same badōdō...

**8. SA+SATO
FASÖMBATA
SA**

: Yaduhu
: Iada'e tebe'e khōda ginötō ba wolohe fasömbata si sambua ni'ofulu khō Lowalangi. Nidōnia'ō Pdt. Pengkhotbah.

SA

: Iada'e tebe'e khōda ginötō ba wolohe fasömbata khō Lowalangi. Ta'osamuzaigō wame'e, he fasömbata si föfōna, ba simanō göi zi mendrua awō zi medölu. Ba si föfōna ua da tafondrondrongo Li Lowalangi me imane:
❖ Ba da'ō niwa'ō-Gu: Na so zangatalisi tanömō, ba lö oya'oya ibasi, ba na so zi lö alimagō tanömō, ba oya göi ibasi dania. Ba balazi dōdō zamōsana; böi abu dōdō, ba tenga ni forege; si no aoha gölō fame'e, da'ō sa zomasi Lowalangi. (II Korindro 9:6-7)

Tafa'ema wasömbata khō Lowalangi, manunō ita moroi ba Mbuku Zinunō
Numero 110

110. TASUNO YESU, SI NO MAOSO

Lala : Na Hönō Mbawagu Ena' ö (no. 4)

do = f 4/4

MM = 96 - 104

1. Tasuno Yesu, si no maoso, sa-me ' e khōda femōna
Kurunga horō no terasa, fa ' amate no te ' ala.
Ba fa ' abölō gafökha, no oi ilawa So ' aya.
2. Tasuno Yesu, si no maoso, si möna ba sebua töi.
No Ya' ia gumbu wa' auri, Ibe' e fa' aurida göi.
Da' ö gurakha zamati, sanau' ölö si lö faröi.
3. Tasuno Yesu, si no maoso, sanusugi ya' ita göi.
He mate taröi gulidanö, ba Yesu zanusugi zui.
Toröi nahia wa' obou, möi ba wa' auri si bohōu.
4. Tasuno Yesu, sondrorogö, sangohahau' ö tödōda.
Me Ya' ia zanga' aro' ö, famati ba fanötōna.
Ya böi mangiwa dōdōda, irugi ba gamozua.
5. Tasuno Yesu, sama' ema, ondröita so' ahonoa.
Si lö irai mila ba niha, ni' asiwai Yesu khōda.
Da taforege wangalui, afu manema ita göi.
6. Tasuno Yesu si no maoso, sebua ba solakhömi.
Ya' ia Wondrege Zala'wa ba Kubalo si lö faröi.
Ha Ya' ia tatöngöni ba zi sandrohu fekoli.

SA

:

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunō ita moroi ba Mbuku Zinunō numero 261

261. YA'E ZUMANGE ²

do = d 4/4

MM = 62 – 68

Ira'alawe

1. Ya 'e zumange fasömbata, ma 'ohe sumange Yehowa.

Iramatua

Reff: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Kegiatan Sektor 2
- c. Koor Kom.Perempuan
- d.

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö siba dödögu ba wamondrondrongo li Mö Yesu

Mangalulu ndra'odo föna-U ba gametahö-Mö ia da 'a

Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma'ökhö ba si'ogötö'ö lö sa mamalö.

Taroma li-Mö si möi fangabölö utema'ö soroi ba dödö, tolo ba wolo'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi **I Korindro / 1 Korintus 15:1-11** (*Tuho:*

Maoso Yesu ba Ngaluo Sitölu / Yesus Bangkit pada Hari Ketiga)

- b. Fanuriaigö

- c. Nitanö ba dödö. **I Korindro / 1 Korintus 15:14** (*Ba na lö mususugi Keriso,*

ba no zayazaya gölö wangombakha'öma, ba zayazaya gölö göi wamatimi.

/Tetapi andaikata Kristus tidak dibangkitkan, maka sia-sialah pemberitaan kami, dan sia-sialah juga kepercayaan kamu.)

d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

1. No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

14. FEMANGA GÖ NI'AMONI'Ö

MANUNÖ

SA : Manunö ita moroi ba Mbuku Zinunö **numero: 111 ayati 1-2**

111. BA WEMAOSO YESU KERISO¹

do = f 4/4

MM = 88 - 96

1. Ba wemaoso Yesu Keriso, möi börö wanötönada.
Te' a ' aro ' ö wamatida, wa nisusugi göi ita.
No I ' alani wa ' amate, Ibe ' e khöda wemöna.
Lala wanöndrada fa ' auri, si lö aetu, si lö taya.
2. Ba wemaoso Yesu Keriso, to' ele khöda lakhömi.
Duhu a ' ozu wangatulö, khö Yehowa Lowalangi.
Fefu wo' ömö no abu' a, alua zomasi Nama.
Te' efa' ö ba huku horö, no khö Yesu wa' aurida.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi

ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

- SH** : **FAMATENGE + HOWUHOWU :**
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

- SATO** : Manunö BZ.Numero 111 Ayati 1

111. BA WEMAOSO YESU KERISO 1

do = f 4/4

MM = 88 - 96

3. Yesu zindruhu zangefa' ö, same' e khöda femöna.
 Ya dozi oi humulu dödö, wangalui fangorifida.
 Me Ya' ia lembalembada, sanga' aro' ö tödöda.
 Sangila mamasao ya' ita, wondrugi naha Yehowa.

- SH** : YA'AHOWU
SATO : YA'AHOWU